

UPUTSTVO ZA POSTAVLJANJE I UPRAVLJANJE RECIVEROM AMIKO IMPULSE HD NA KKS TXTV d.o.o Tuzla

Amiko HD DVBC reciver u KKS (Kablovskom Koaksijalnom Sistemu) ima namjenu pretvaranja vašeg analognog TV prijemnika (TV-a koji ima osnovnih 40-50 kanala) u digitalni kako biste mogli pratiti sve digitalne kanale u ponudi kablovske televizije TXTV d.o.o Tuzla. Prvi korak je upoznavanje sa samim spajanjem recivera na TV i upravljanje daljinskim upravljačem



Slika 1. Prednji izgled recivera



Slika 2. Pozadinski izgled recivera

Na slici 1. je predstavljen izgled recivera kao i priključci na zadnjoj strani recivera (slika 2.) koji služe da bi spojili reciver sa KKS sistemom, vašim TV-om i napajanjem. Na slici 2. (gledajući s lijeva u desno), prvi ulaz po redu je ulaz pod nazivom **Signal IN**. Ovaj ulaz služi da antensko koaksijalno kablo koje je trenutno priključeno u **TV**, izvadite iz TV-a i uključite u ovaj ulaz. Tako ćete signal kablovske TV spojiti na reciver. Drugi po redu je ulaz **S/PDIF** i on služi za spajanje digitalnog audio priključka, spajanje pojačala sa S/PDIF ulazom. Treći ulaz je **ETHERNET** koji služi za spajanje recivera sa internetom putem **LAN** mrežnog kabla. Kabal ne dolazi u kompletu sa reciverom. Četvrti je ulaz **HDMI (HD OUT)**. Ovaj kabal ne dolazi u kompletu sa reciverom te ga morate kupiti. Služi za povezivanje vašeg recivera sa TV-om i prenos slike na TV. Prenos slike ovim kablom je mnogo bolji nego drugim kablovima. Kada uključite **HDMI** kabal u ovaj ulaz i u isti takav ulaz na vašem TV-u prenijet ćete sliku sa recivera na TV. Potrebno je naglasiti da kada izvršite prethodnu radnju, te ukoliko TV automatski nije prepoznao reciver, da prebacite daljinskim upravljačem od TV-a izvor signala na **HDMI 1, 2 ili 3 na TV-u**; u zavisnosti u koji ste ulaz na TV-u upojili vaš HDMI kabal. Peti po redu je ulaz označen sa **TV SCART (TV)** koji ima mnogo „rupica“ i nepravilnog je kvadratnog oblika, a ima istu namjenu kao i predhodni ulaz/izlaz, a to je da prenese sliku sa recivera na vaš TV. Ovaj kabal ne dolazi u kompletu sa reciverom te ga morate kupiti. Šesti posljednji izlaz/ ulaz je napojni kabal koji služi za napajanje recivera el.energijom, a spaja se direktno u izvor el.energije (utičnicu). Označen je sa oznakom **POWER DC 5V/2A** i (u ovom slučaju je to **AC** adapter **Input - 50/60 Hz, 0,5 A** i **Output 5V, 2A**) dolazi u kompletu sa reciverom. U kutiji kompleta recivera dolazi i daljinski upravljač i par baterija za daljinski upravljač.

Slika 3. Izgled daljinskog upravljača Amiko impulse HD recivera



Na slici je prikaz daljinskog upravljača za reciver Amiko Impulse HD. Najveće **crveno** dugme na daljinskom služi da se upali/ugasi reciver. Sljedeće dugme lijevo do crvenog je dugme **MUTE** i služi da bi se trenutno kompletno stišao ton na nulu. Ponovnim pritiskom na isto dugme vraća se ton na istu razinu koja je bila u trenutku kada je dugme prvi put pritisnuto. Prvi red dugmića (s lijeva na desno iznad brojeva) dugme kao satić – pritiskom na ovo dugme odredjujete **Timer** za koliko vremena da se reciver ugasi. Sljedeće do njega je dugme **SUB** koje poziva **TITLOVE** (ukoliko ih taj kanal emituje) za određeni kanal. Dugme **TTX** služi da pozovete **Teletext** ukoliko kanal na kojem ste posjeduje Teletext. Zadnje dugme u tom redu je dugme **V.MODE** koje služi da bi ste mogli promijeniti rezoluciju prikaza na vašem TV prijemniku. Dugmići od **0,1** do **9** služe za prebacivanje (brojčano) kanala. Pritiskom na dva dugmeta (recimo 2 i 3) malo brže, možete prebaciti na dvocifreni kanal (23) itd.. Dugme **EPG** služi da biste dobili informacije na ekranu o trenutnom sadržaju kanala koji gledate kao i nastupajućoj emisiji koja dolazi poslije. Dugme **zaokruženo i** služi da bi ste dobili trenutne informacije o kanalu, frekvenciji, emisiji i sl..na kanalu koji gledate nešto slično kao EPG. Strelice lijevo **PAGE** (gore/dole) služe da ukoliko vam je otvorena lista kanala, možete "skočiti" određeni broj kanala prema gore (jedan "ekran") gore i isto tako i prema dole. Dugme **MEDIA** služi da ukoliko vam je priključen neki externi medij (usb stick i sl) možete upravljati njime..Dugme **FIND** će vam dati brzi menu na kojem možete odbrati recimo neko slovo te će vam se s lijeve strane odmah pokazati grupa programa koji počinju na to slovo koje ste odabrali. Sa desne strane imate 2 slike zvučnika (prema gore i dole iznad kojih stoji oznaka **VOL**) koja služe za povećanje razine tona (prema gore) i smanjenje razine tona (prema dole). Dugme **OK** u sredini daljinskog služi da bi potvrdilo bilo koju opciju koju ste izabrali na daljinskom. Također, ovo dugme i poziva **listu svih programiranih** kanala na receiveru. **Strelica** prema gore, iznad dugmeta OK, služi za kretanje prema gore po opcijama koje odaberete, a istu namjenu ima i strelica prema dolje. Ove komande služe i za pomijeranje za po jedan kanal prema gore ili dolje. Strelice lijevo i desno, oko OK dugmića služe za pomijeranje lijevo i desno kroz opcije kao i smanjenje ili pojačavanje tona recivera. Duple strelice (prema lijevo i prema desno) služe za premotavanje nekog

video sadržaja na externim medijima koji su spojeni na reciver naknadno. Dugme **MENU** služi za brzi meni (menu) kojim ćete izvršiti postavke, programiranje recivera instalaciju, promjenu **PIN**-a kartice itd.

Dugme **BACK** služi da bi ste izašli iz bilo kojeg menija ili opcije koju ste pritisnuli na daljinskom i koja vam je ponuđena. Dugme **crvene boje** kvadratnog oblika ispod dugmeta MENU služi da bi ste dobili informaciju o trenutnom sistemu zvuka koji je na kanalu koji gledate. Do njega dugme **zelene boje**, odnosi se na informacije (ako taj kanal posjeduje) da kada vam je otvorena lista kanala dobijete vrijeme trajanja neke emisije.. **Žuto kvadratno dugme** služi kao i **SUB** da pozove jezike subtitlova koji su ponuđeni za kanal koji gledate. **Plavo dugme** služi da kada vam je recimo pozvan glavni meni sa listom kanala, da sortirate kanale od **A-Ž** itd.. **TV/SAT** dugme služi za prebacivanje na satelitski signal ukoliko postoji takva vrsta priključka kod vas. Dugme u **obliku srca** služi za pozivanje Favorita (omiljenih) kanala koji su recimo izdvojeni i koje naj više gledate. **Recall** dugme služi da se vratite na predhodni kanal koji se gledali. **Bijelo dugme** služi da kada vam je otvorena glavna lista kanala, pritiskom na bijelo dugme izmijenite izgled liste kanala.. **TMS** dugme ukratko služi da upravljate snimcima koji ide u stvarnom vremenu – živom programu da pauzirate, premotate ili ponovo pustite nešto (playback). **SAT** dugme poziva (ukoliko koristite satelitski signal) favorite iz liste satelitskih kanala...**TV/Radio** dugme služi za prelazak sa TV signala na radio kanale ukoliko su instalirani prilikom instalacije recivera. **F1** dugme se odnosi na starije modele, koji nisu imali HDMI izlaz i sl..te su bili spojeni preko RF modulatora (UHF). Kada je reciver bio samo spojen preko koax kabla, pritiskom na F1 dobijali bi listu UHF kanala koje bi mogli birati strelicama na ekranu (gore/dole). Preostali red od 4 dugmića (crvena tačka) **REC, Play, Pause i Stop** služe za snimanje,puštanje,pauziranje i stopiranje sadržaja na externom uređaju ili u real time (živi prijenos) emitovanju sadržaja na vašem TV prijemniku!